



BPN disalurkan kepada 10.6 juta penerima, libatkan bayaran RM11 bilion setakat ini – PM

PETIKAN AKHBAR | 10 MEI 2020



KUALA LUMPUR, 10 Mei – Setakat ini, jumlah penerima Bantuan Prihatin Nasional (BPN) adalah 10.6 juta orang yang melibatkan bayaran berjumlah RM11 bilion, kata Perdana Menteri Tan Sri Muhyiddin Yassin.

Beliau berkata semalam kerajaan telah meluluskan 2.3 juta permohonan BPN, termasuk permohonan baharu dan rayuan, yang melibatkan jumlah perbelanjaan sebanyak RM1.7 bilion.

Selain itu, Menteri Kewangan Tengku Datuk Seri Zafrul Tengku Abdul Aziz bersetuju untuk melanjutkan tempoh rayuan permohonan BPN sehingga 31 Mei, 2020, katanya semasa menyampaikan perutusan khas yang disiarkan secara langsung menerusi stesen televisyen tempatan, termasuk Bernama TV hari ini.

Ini berikutan ada rungutan daripada orang ramai yang gagal menerima bayaran BPN atas pelbagai sebab, antaranya maklumat yang diisi tidak lengkap.

“Ada juga yang permohonannya ditolak kerana dalam rekod menunjukkan pendapatan melebihi syarat kelayakan, tetapi mereka sebenarnya telah hilang pekerjaan dan hilang sumber pendapatan.

“Ada juga antara yang memohon merupakan pelajar yang telah menerima bantuan BPN bagi kategori pelajar, jadi permohonan mereka untuk mendapatkan bayaran BPN bagi kategori bujang ditolak,” katanya.



“Bagi negeri-negeri yang bercuti esok, bolehlah pergi ke kaunter LHDN pada Selasa, 12 Mei, 2020.

“Saya tak berjanji semua rayuan boleh diluluskan ,tetapi mana-mana rayuan yang memenuhi syarat dan munasabah, insya-Allah boleh diluluskan,” katanya.

[Bernama](#)

[Siaran Media](#)

[Koleksi Ucapan](#)

[Petikan Akhbar](#)

[Foto](#)

[Video](#)

[Pengumuman](#)

POPULAR TAGS

[BERNAMA](#)

[HARGA MINYAK](#)

[PRICE OF PETROLEUM](#)

[TENGGU ZAFRUL](#)

[BANTUAN PRIHATIN NASIONAL](#)

[KWSP](#)

[I-SINAR](#)

[SINAR HARIAN](#)

[JELAJAH BELANJAWAN 2021](#)

[PRIHATIN MOF](#)

[PERMAI](#)

[BERITA HARIAN](#)